

**Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Historia Zaringo Badensis**

**Schöpflin, Johann Daniel**

**Carolsruhae, 1765**

XXXI.

[urn:nbn:de:bsz:31-295118](https://nbn-resolving.org/urn:nbn:de:bsz:31-295118)

XXX.

EX ROTULO MONASTERII S. PETRI.

ANTE ANNUM MCXXIII.

**A**dalbero de Adalhusen tale predium quale visus est habere apud ipsam villam beato Petro tradidit. Aderant huic traditioni *Dominus Conradus. Frater Bertholdi Ducis.* Erkenboldus de Halperch. Conradus de Bucheim. Erkenboldus de Vorcheim. Henricus de Dietfort. Waltherus de Wilhelm.



XXXI.

NOTITIA CONCAMBII BONORUM INTER ECCLESIAM S. PETRI ET HUGONEM DE CASTELLO MILITEM.

ANNO MCXXVIII.

*Ex Rotulo San-Petrino.*

**N**otandum diligenter & nostratum memoria commendandum concambium quod inter Ecclesiam nostram & quendam militem de familia Ducis Hugonem de Castello cella dictum. per manum ejusdem

Domini sui CONRADI DUCIS & advocati nostri confirmatum est. Prædium namque apud *Motrisheim* quod frater suus Reginboto pro salute animæ suæ cum uxore sua. G. & filiis S. Petro donaverat. nec non & mansos suos apud *Stettin* quos idem Hugo post obitum suum nobis obtinendos tradiderat illi concessimus, nosque ab ipso quicquid apud villam *Teiningen* à Domino suo Duce sibi traditum seu prestitum possederat. omnino nihil exceptum. in commutationem antedictorum alodiorum accepimus in eam rationem. ut ab ipso die omni tempore habendi, tenendi, commutandi, vel quicquid de ipsis rebus ad nostram utilitatem cupimus. liberam in omnibus potestatem faciendi habeamus. Quam vicariam commutationem non solum ipse Hugo. verum etiam uxor ejus Guta. sed & filius ejus Hugo confirmaverunt. Anno Dominicæ Incarnationis MCVIII. (a) apud *castrum Zaringen*. X. Kal. Apr. die veneris. presentibus & hoc factum videntibus his nobilibus hominibus. Adalberto de *Stüzzelingen*. Heinrico de *Hardegga*. & fratre ejus Wernhero. & aliis de Familia Ducis quam pluribus.

(a) Annus hic non quadrat cum Conrado Duce, qui a. 1123. demum fratri Bertoldo III. successit. Suspiciamus itaque numerum vicenarium omisum, adeoque Chartam ad a. 1128. reponendam esse.